

ASUNTU NE'EBÉ PRESIZA TAU ATENSAUN

- ▶ Joven mane grupu ida oho joven mane ida
- ▶ Mane ida nu'udar katuas oan ta'a nia ferik oan kanek no hakaneke mos nia a'an rasik
- ▶ Maun lanu lori tudik sona nia alin tanba impaktu husi Alkol

JOVEN MANE GRUPO IDA OHO JOVEN MANE IDA

Iha dia 29 Jullu 2014, iha Aldeia Sabuli, Suku Sabuli, Subdistritu Metinaro. Joven mane grupu ida oho joven mane ida. Motivun husi insidente ne'e mak; Hahu uluk husi atividade joga bola amizade entre komunidad Suku Sabuli ho Aldeia Behau. Hafoin joven mane grupu ida hakat ba kampu laran ho kondisaun lanu no lori sasan kroat sira hanesan diman, tudik, samurai, hodi asalta joven mane grupu rua ne'ebé joga hela bola. Tanba tauk joven mane grupu rua ne'ebé joga bola refere halai husi kampu no joven mane ida, ne'ebé akompaña jogus ne'e halai besik joven mane grupu refere, hodi joven mane grupu ne'e lori tudik sona kona datoluk iha kabun, hirus matan no nosen karuk no mós lori samurai tesi kotu joven mane ne'e nia kakorok. Polisia mai halo atuasaun hodi kaptura joven mane autor sanulu resin tolu hodi submete ba prizaun preventiva. Joven mane ne'ebé mate Polisia lori ba Ospital Guido Valadares halo autopsia. Insidente ne'e Belun halo verifika ba komunidad, PNTL hetan katak insidente ne'e hahu husi odio malu entre Joven mane ida ne'ebé nia alin hetan baku husi joven mane ida, hafoin joven mane ne'e ba husu joven mane grupu ne'ebé entre sira ida ne'ebé baku nia alin, maibé joven mane grupu ne'e halo asalta verbál no duni nia fila, no odiu malu kontinua husi insidente ne'e, to joven mane grupu refere halo asalta fiziku hodi oho joven mane ne'e to'o mate iha fatin. Impaktu seluk mak, komunidad xefi familia 183 husi Aldeia Behau no Aldeia Subuli refujia ba Igreja Metinaro. Insidente ne'e seidak rezolve no odio malu kontinua.

Totál insidente fulan Jullu 2014	
Distritu	Insidente
Aileu	4
Ainaro	5
Baucau	9
Bobonaro	4
Covalima	2
Dili	14
Ermera	6
Lautein	3
Likisá	8
Manatuto	6
Manufahi	2
Oekusi	6
Vikeké	6
Totál	75

REVISTA SITUASAUN JULLU 2014

MANE IDA NU'UDAR KATUAS OAN LORI KATANA TA'A NIA FERIK OAN KANEK NO HAKANEK MÓS NIA A'AN RASIK


Iha dia 25 Jullu 2014, oras 16:30 lokraik, iha Aldeia Raibliri, Suku Riheu, Subdistritu Ermera. Mane kaben ida lori katana ta'a kanek nia ferik oan. Motivun husi insidente ne'e mak, mane kaben ne'e haruka nia ferik oan hodi ba tuir osan ne'ebé ema debe. Maibé ferik oan la halo tuir saida mak nia katuas oan husu, maibé nia ferik oan foti bote ba ku'u fali kafe iha kafelaran. Hafoin mane kaben ne'e la satisfas hodi tuir mai nia ferik oan ba kafelaran, hodi lori katana ta'a nia ferik oan, kona iha parte kaba'as karuk no kotuk laran. Hafoin mane kaben ne'e hakaneke nia a'an ho katana iha nia kakorok rasik tanba nia sente la diak tan, nia ta'a kanek ona nia ferik oan. Impaktu husi insidente ne'e mak ferik oan kanek todan iha kotuk laran no kaba'as karuk, no laen kanek iha kakorok. Insidente ne'e hetan atuasaun husi membru komunidad sira hodi informa ba Polisia, polisia mai kedas fatin insidente no lori kontaktu ba ambulansia mai hodi tula parte rua tun dili hodi lori ba Ospital Guido Valadares Dili halo tratamentu. Insidente ne'e seidak rezolve no kondisaun saude parte rua mós seidak rekopera ho diak. Verifikasaun hetan katak parte rua fila ona husi Ospital ba fali uma iha Ermera, maibé mane ne'e nia ferik oan seidak hakarak rezolve tanba trauma ho hahalok nia katuas oan nian. Maske nune'e relasaun parte rua diak hela.

MAUN LANU LORI TUDIK SONA NIA ALIN TANBA IMPAKTU HUSI ALKOL


Iha dia 13 Jullu 2014, iha Aldeia Lakonak, Suku Debos, Subdistritu Suai. Maun lanu todan la kontrola a'an hodi lori tudik sona nia alin mane iha kotuk laran. Motivun husi insidente ne'e mak joven mane nain rua ne'ebé nu'udar maun alin hemu tua hamutuk hafoin wainhira tua lanu ona, sira diskuti malu no tarata malu. Tanba Maun la simu ho attitude alin nian ne'ebé koalial hasoru nia, hodi nune'e mak maun foti tudik sona nia alin iha nia kotuk laran kanek todan. Familia parte rua lori vitima ne'e ba Ospital referral Suai hodi halo tratamentu mediku. Hafoin nia alin sai husi ospital no iha dia 19 Jullu 2014, Polisia hamutuk ho autoridade lokal halo aprosima ba parte rua hodi rezolve kedas insidente ne'e no relasaun parte rua diak malu fali ona.

KARATERÍSTIKA INCIDENTE


Total incidente ne'ebe reporta husi (Jullu, 2013) - (Jullu, 2014)




Tipu violensia




Insidente Fatin




Saida Mak Hun Abut



Se mak Hahu Halo Violensia







Saida mak Ema Hahu Halo Violensia Nia Jeneru



Saida Mak Vítima nia Jeneru



Se Mak Responde



ATIVIDADE PREVENSAUN NO RESPONDE BA KONFLITU

Atividade Ne'ebé Halao Husi Ekipa Demokrasi no Dezenvolvimentu liu husi Asaun Media no Hakbi'it (DAME)

- Iha dia 7 Jullu 2014, Iha Subdistritu Vemasse, Distritu Baucau, Rede Prevencaun no Responde Konflitu (RPRK) subdistritu Vemasse realiza Tarabandu iha suku Uatolari ho titlu Proteze meu-ambiente husik hela eransa ba Jerasaun. Eventu ne'e lokel ofisial husi Administrador subdistritu Vemasse. Orador mak Administrador Distritu Baucau, Komandante PNTL Distritu, Rperzentante Focal Point Meu Ambiente no representante husi Belun. Partisipasaun husi comunidade geral no lideransa lokal husi suku 7 iha subdistritu Vemasse.

Atividade Ne'ebé Hala'o Husi Ekipa Atensaun no Responde Sedu (AtReS)

- Iha dia 9 Jullu 2014, Iha Subdistritu Vikeké, Distritu Vikeké, Rede Prevencaun no Responde Konflitu (RPRK) Subdistritu Vikeké implementa planu asaun liu husi Tarabandu ne'ebé ho titlu Tarabandu hodi proteze rikusoin no minimiza konflitu iha comunidade. Eventu ne'e loke ofisial husi Chefe suku Uma Ki'ik. Orador Sekretariu Estadu Meu Ambiente, Diretor Belun, Administrador Distritu Vikeké no Representante Adjuntu Komandante Distritu Vikeké. Partisipasaun husi comunidade geral no lideransa lokal husi suku 10 iha subdistritu Vikeké nomos suku viziñu husi Loe-huno.

Atividade Ne'ebé Halao Husi Ekipa Mediasaun no Rezolusaun Disputa (MRD)

- ▶ Iha dia 4 Jullu 2014, Iha Aldeia Malarahou, Suku Ailili, Subdistritu Manatuto. Ekipa MRD Fasilita mediasaun ba disputantes disputa rai privadu ida. Ho solusaun mak disputantes sira konkorda malu fo osan kompensasaun no asina akordu rezolusaun disputas.
- ▶ Iha dia 10 Jullu 2014, iha Aldeia Solubolo, Suku Holsa, Subdistritu Maliana. Ekipa MRD fasilita mediasaun ba disputa rai privadu ida. Ho solusaun mak disputantes sira la konkorda malu no decide atu lori ba tribunál.

KONA-BA REVISTA NE'E

Revista situasaun ne'e relata kona-ba asuntu xave relasiona ho insidente violénsia no tendensia husi koleksaun dadus monitorizasaun liu husi Sistema Atensaun no Responde Sedu (AtReS) Timor-Leste durante Jullu 2014. Belun esforsu atu fahe informasaun ne'ebé up-to-date no serteza. Hanoin katak situasaun bele hetan mudansa ho lalais, ami agradese no simu informasaun seluk ne'ebé bele karifika ka update dadus ne'ebé ami iha liu husi AtReS.

Marilia O. da Costa, Manajer programa AtRes: bylah.belun@gmail.com (+670 7727 6671)

Laurensius Lein, Especialista Prevensaun Konflitu: laurensius.belun@gmail.com (+670 7726 3798)